

第一編

賈貴榮 駢宇騫 編

6

地方志災異
資料叢刊



第一編

賈貴榮 駢字騫編

地方志災異
資料叢刊 6



國家圖書館出版社

第六冊目錄

(光緒)廣平府志·····	一
(民國)廣平縣志·····	六一
(咸豐)大名府志·····	六九

(民國)大名縣志·····	四六九
(康熙)元城縣志·····	四九三
(同治)續修元城縣志·····	五七七

(清)吳中彥 修 (清)胡景桂 纂

(光緒)廣平府志

清光緒二十年(一八九四)刻本

重修廣平府志卷三十三

前事略

災異

周

趙成侯二年六月雨雪

史記趙世家

趙惠文王十八年大潦漳水出

二十二年大疫

二十七年河水出大潦

趙孝成王十二年邯鄲廕燒

徐廣曰廕廕之名索隱廕積芻藁之處爲人所燒也

案舊志列趙孝成王二年六月邯鄲雨雪考史鑑諸

書均無此文蓋因成侯二年事誤爲成王也岑刪

趙幽繆王六年大饑

俱同上

漢

高后元年夏五月趙王宮叢臺災

師古曰在邯鄲城中前漢書本紀

景帝三年二月邯鄲狗與彘交

是時趙王遂恃亂與吳楚謀逆遣使匈奴求助

兵前漢書五行志

武帝太始四年秋七月趙有蛇從郭外入邑與邑中蛇

羣鬪孝文廟下邑中蛇死

前漢書本紀

元帝永光五年河決清河靈鳴犢口

資治通鑑

案鳴犢口在今山東高唐州南境不在今清河縣界

考漢書地理志鳴犢河東北至蓊入屯氏河是此河

汎溢爲災清河必受其患也故仍舊志存之

成帝鴻嘉四年秋勃海清河河溢

資治通鑑云灌縣邑三十一敗官于民舍

四萬餘所被災者振貸之

前漢書本紀

新莽始建國三年

舊志作二年誤

河決魏郡汎清河以東數郡

資治通鑑

天鳳二年邯鄲以北大雨水出深者數丈流殺數千人

同上

光武帝建武二十九年

舊志誤作永和四年

清河郡蝗

古今注

和帝永元

舊志作永興誤

七年秋七月易陽

文獻通考曰趙國易陽

地裂

後漢書五行志本紀注易陽爲今易州誤辨見通鑑胡三省注

桓帝永壽元年饑人相食

舊志案通鑑作冀州饑是時廣平屬冀州故存之

案舊志秦始皇三十六年斥邱隕石考史記秦本紀有墜星下東郡至地爲石資治通鑑亦云隕石於東郡東郡本魏地今大名府開州非廣平境舊志又列漢元光五年七月大風拔木始元二年秋七月廣平大雨至冬十月止元鳳二年夏斥邱大雨水深數丈永壽元年斥邱大饑人相食熹平六年夏廣平大旱蝗初平四年冬十月廣平地震查前後漢書五行志本紀資治通鑑文獻通考諸書其年雖有此災異並未見有廣平斥邱之文通鑑始元二年秋七月大雨至

十月止下文有渭橋絕三字渭橋在今陝西咸陽境
熹平六年夏大旱七州蝗七州未詳其名安見有廣
平郡乎獻帝本紀初平四年冬十月辛丑京師地震
明言京師決非廣平舊志又云永和二年二月彗星
見亦未注所躔之次俱從刪不敢沿襲

魏

明帝景初元年九月霍雨大水

舊志案通鑑作冀充
徐豫四州大水三國志

晉書五行志俱同當
時郡屬冀州故存之

晉

武帝泰始五年五月辛卯朔廣平大風折木

晉書五行志

咸甯五年六月庚戌廣平雨雹景辰又雨雹隕霜傷秋

麥千三百餘頃壞屋百二十

通考作三十

餘間晉書五行志

成帝咸和八年

文獻通考作石勒末年十六國春秋作石勒八年

星隕於肥鄉

一晉書五行志

初赤色黃雲如幕長數十丈交錯如雷震聲

墜地氣熱如火塵起連天時有耕者往視之土猶然沸

見一石方丈餘青色而輕擊之聲如磬

十六國春秋

石勒時雹起西河界

晉書作介

山大如雞子平地三尺沵下

丈餘厯趙郡廣平鉅鹿千餘里樹木摧折禾稼蕩然

文獻

通考

案舊志此條列咸和五年不知何所依據且與前條

均列在咸甯之前查咸甯至咸和中隔五代相去甚遠又舊志云元康八年九月邛大水咸甯四年七月廣平大水傷禾查晉書通考等書均無確據刪之北齊

文宣帝天保八年

舊志作七年今從本紀

司州廣平清河二郡蝨

澇損田詔免租九年秋七月以春夏少雨苗稼薄者免

今年租賦

北齊書本紀案隋書五行志是年河北六州蝗

武成帝太甯元年三月戊子詔給滄趙等州及司州之

清河遭水潦之處貧下戶粟各有差

同上

高齊末鄴城西溢山石鼓鳴未幾鄴城有兵而齊滅

太平

寰宇

記

隋

文帝開皇七年

隋書五行志文獻通考並作十七年

五月己卯雨石於武

安滏陽間十餘里

隋書本紀五行志通考皆無里字

案舊志周大象七年雨石自滏陽至成安十里考後

周大象僅二年並無七年又隋誤爲周武安誤爲成

安不知依據何書舛謬若此

八年八月河北諸州饑遣吏部尙書蘇威振恤之

北史

仁壽二年大水

舊志案隋書五行志及本紀俱云河北諸州大水郡境當在其內舊志注磁

州殊屬

遣尙書楊達振恤之

北史

煬帝大業中

舊志作三年

滏陽石鼓頻歲鳴

其後天下大亂兵戎並起隋

書五

行志

案舊志列開皇五年秋雞澤大水考隋書五行志無此文文帝本紀言是年河南諸州大水雞澤在河北非河南境不錄

唐

太宗貞觀三年貝州水

新唐書五行志

中宗神龍元年六月大水

文獻通考舊志作七月滏陽大水案唐書河北十七州

大水不獨滏陽也舊志臆斷

二年滏陽旱

舊志案文獻通考神龍二年冬不雨至明年五月河南河北旱饑滏陽在河北故

存之神龍無
三年今改正

元宗開元三年夏雞澤滏陽大蝗舊志案文獻通考是年七月河南河北
蝗

十五年大水害稼河北尤甚

新唐書五行志

二十五年貝州蝗有白鳥數萬羣飛食之一夕而盡舊唐書

書五行志禾稼不傷

新唐書五行志

德宗建中元年洛州大水

舊志案文獻通考是年魏博等處大雨是時州屬

貞元元年磁州大饑斗米千錢死者相枕

舊志案新唐書河北大

饑斗米千錢死者相枕

磁州在河北故存之

憲宗元和十二年六月河北大水洛邢尤甚平地二丈

新唐書五行志 舊志
作洛州大水平地三尺

文宗太和九年春饑河北尤甚

同上

案舊志列貞觀二十三年秋雞澤地震恩州火燬倉廩甲仗民居考通鑑通考唐書是年八月河東地震晉州尤甚河東晉州在今山西距雞澤甚遠恩州唐屬嶺南道尤與郡境無涉舊志又云開元四年雞澤大蝗考唐書五行志是年五月山東螟蝗害稼舊志又云大歷六年成安大旱斗米千錢案通考是年春旱至於八月無成安字樣並刪之

宋

太祖建隆三年七月磁洛二州蝻生

宋史五行志

開寶二年洛州水害秋苗八月磁州蝗

同上

八年五月磁州風雹害桑麥

文獻通考

太宗太平興國二年六月磁州青黑蟲羣飛食桑夜出

晝隱食葉殆盡

宋史五行志

端拱元年七月磁州漳滏二水漲

同上

淳化三年七月貝州蝗俄抱草自死

文獻通考

仁宗天聖五年五月磁州蟲食桑七月洛州蝗

宋史五行志

皇祐三年恩州旱

同上

英宗治平元年洛磁等州旱

同上